

ხელშეკრულება №134
გამარტივებული სახელმწიფო შესყიდვის შესახებ

ჭიათურა

2012 წლის 17 ივლისი

1. ხელშეკრულების დამდები მხარეები

ერთის მხრივ სსიპ თვითმმართველი ერთეული ჭიათურის მუნიციპალიტეტი, მისამართი: ჭიათურა, ნინოშვილის ქ.№7, ჭიათურის მუნიციპალიტეტის საკრებულოს თავმჯდომარის იასონ ჭუმბურიძის სახით, შემდგომში „შემსყიდველი“ და მეორეს მხრივ ინდ. მეწარმე „თეიმურაზ მოდებაძე“ მისამართი: ჭიათურა, სოფელი კაცხი, შემდგომში „მიმწოდებელი“.

2. ხელშეკრულების საგანი

2.1. „სახელმწიფო შესყიდვების შესახებ“ საქართველოს კანონის მე-101 მუხლის მე-3 პუნქტის „ვ“ ქვეპუნქტის საფუძველზე მუნიციპალიტეტის ბიუჯეტის წარმომადგენლობითი ხარჯებიდან ჭიათურის მუნიციპალიტეტის სტუმრებისათვის სადილის გამართვის მომსახურების გამარტივებული სახელმწიფო შესყიდვა. კლასიფიკატორის კოდი 55310000.

3. ხელშეკრულების ღირებულება

3.1. ხელშეკრულების ჯამური ღირებულება შეადგენს 6520 (ექვსი ათას ხუთას ოცი) ლარს.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებულ მომსახურების გაწევასთან დაკავშირებულ ყველა ხარჯს, საქართველოს კანონმდებლობით გათვალისწინებულ გადასახადებს.

4. მხარეთა ვალდებულებები

„მიმწოდებელი“ იღებს ვალდებულებას:

4.1. უზრუნველყოს ჭიათურის მუნიციპალიტეტის სტუმრებისათვის სადილის გამართვა „შემსყიდველის“ მოთხოვნის შესაბამისად.

4.2. მომსახურება გაწიოს დროულად და ხარისხიანად.

4.3. „შემსყიდველის“ მოთხოვნის შემთხვევაში ხელშეკრულებით ნაკისრი ვალდებულებების შესრულების მიმდინარეობის შესახებ წარუდგინოს მას ინფორმაცია.

4.4. საკუთარი ხარჯებით აანაზღაუროს გამოვლენილი უხარისხო მომსახურების ღირებულება.

„შემსყიდველი“ იღებს ვალდებულებას:

4.5. დროულად გადარიცხოს თანხები „მიმწოდებლის“ ანგარიშზე ხელშეკრულებით განსაზღვრული პირობების შესაბამისად.

5. მხარეთა უფლებები

„შემსყიდველს“ უფლება აქვს:

5.1. აწარმოოს გაწეული მომსახურების ხარისხისა და მოცულობის კონტროლი, მომსახურების გაწევის ნებისმიერ ეტაპზე.

„მიმწოდებელს“ უფლება აქვს:

5.2. ხელშეკრულების ფარგლებში მოითხოვოს დროული და სრული დაფინანსება.

6. ანგარიშსწორება

6.1. მხარეთა შორის მოხდება უნაღდო ანგარიშსწორება

6.2. თანხა გაიცემა „მიმწოდებლის“ მიერ შესაბამისი საფინანსო დოკუმენტაციის წარმოდგენის საფუძველზე.

7. დაუძლეველი პირობები

7.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველი პირობების შედეგი.

7.2. დაუძლეველი პირობების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს წერილობითი შეტყობინება მეორე მხარეს ასეთი გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობების მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი პირობების ზეგავლენისაგან.

8. ხელშეკრულებების პირობების გადასინჯვა

8.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია ერთი კვირით ადრე. ამავე დროს „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულებანი იმ გარემოებებთან დაკავშირებით, რომელთა გამოც წარმოიშვა ხელშეკრულების პირობების შეცვლის აუცილებლობა.

8.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

9. სადაო საკითხების გადაწყვეტა

9.1. „შემსყიდველმა“ და „მიმწოდებელმა“ ყველა ღონე უნდა იხმარონ, რათა პირდაპირი მოლაპარაკების პროცესში მოაგვარონ მათ შორის წარმოქმნილი ყველა უთანხმოება და დავა ხელშეკრულების ან მასთან დაკავშირებული სხვა კომპონენტის ირგვლივ.

9.2. თუკი ასეთი მოლაპარაკების გზით „შემსყიდველი“ და „მიმწოდებელი“ ვერ შეძლებენ სადაო საკითხის შეთანხმებით მოგვარებას, ნებისმიერ მხარეს შეუძლია, დავის გადაწყვეტის მიზნით დადგენილი წესის მიხედვით მიმართოს სასამართლოს.

10. ხელშეკრულების შესრულების შეფერხება

10.1. თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ 5 დღის ვადაში უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით.

10.2. იმ შემთხვევაში თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

11. ხელშეკრულების შესრულების კონტროლი

11.1. შემსყიდველს უფლება აქვს, განახორციელოს ხელშეკრულების შესრულების მიმდინარეობის კონტროლი, ხელშეკრულების შესრულების ნებისმიერ ეტაპზე.

11.2. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

12. ხელშეკრულების პირობების შეუსრულებლობა

12.1. დაუძლეველი პირობების გარდა, მხარეთა მიერ ხელშეკრულების პირობების შეუსრულებლობის ან/და დაგვიანებით შესრულების შემთხვევაში გამოიყენება საჯარიმო სანქცია: ყოველი ვადაგადაცილებული დღისათვის მომწოდებელი იხდის ხელშეკრულების ჯამური ღირებულების 0,1%-ს, ხოლო ხელშეკრულების თვითნებურად შეწყვეტის შემთხვევაში 2000 ლარს.

12.2. საჯარიმო სანქციების გადახდა არ ათავისუფლებს შემსრულებელს ძირითადი ვალდებულებების შესრულებისაგან.

13. ხელშეკრულების მოქმედების ვადა

13.1. წინამდებარე ხელშეკრულება ძალაში შედის მხარეთა მიერ ხელმოწერის დღიდან.

13.2. ხელშეკრულების მოქმედების ვადა განისაზღვრება 2012 წლის 31 დეკემბრის ჩათვლით.

14. დამატებითი პირობა

14.1. ხელშეკრულება შედგენილია 2 ეგზემპლარად (2 გვერდზე) და თითოეულ მათგანს აქვს თანაბარი იურიდიული ძალა.

14.2. ხელშეკრულების თითო ეგზემპლარი ინახება მხარეებთან.

15. მხარეთა რეკვიზიტები

„შემსყიდველი“

„მიმწოდებელი“

სსიპ თვითმმართველი ერთეული
ჭიათურის მუნიციპალიტეტი

ინდ. მეწარმე
„თეიმურაზ მოდებაძე“

მისამართი: ჭიათურა, წინოშვილის ქ.№7
საიდენტიფიკაციო კოდი 215609544
სს „პრივატბანკის“ ჭიათურის სერვისცენტრი
ბანკის კოდი CAVOGE22
ანგარიშის № GE86TP0033030020000003
ტელ: 0 479 252555

მისამართი: ჭიათურა, სოფელი კაცხი
საიდენტიფიკაციო კოდი 54001040957
სს „საქართველოს ბანკი“
ბანკის კოდი BAGAGE22
ანგარიშის №GE62BG0000000458479700
ტელ: +995 599 236588

საკრებულოს თავმჯდომარე
იასონ ჭუმბურიძე

ინდ. მეწარმე
თეიმურაზ მოდებაძე

